

Na memoria di Sr. Leonardo 'Leo' Tromp (Partí I)



Señor Leonardo 'Leo' Tromp a nace na Aruba riba 5 di juli 1943, tabata casa cu Sra. Alicia A. Yarzagaray hunto nan tin dos yiu homber di Sergio y Angelo y un yiu muhe Sharissa Arends-Tromp. E tabata yiu di Angel 'Chonan' Tromp y Gude-lia Tromp-Lacle.

Señor Leo Tromp tabatin ya 22 aña den Servicio di Teritorio Insular di Aruba y ultimo ey tabata traha na Departamento di Asuntonan di Enseñansa for di unda el a pidi un traslado pa Instituto di Cultura Aruba (ICA). Riba dia 1 di maart 1982 a keda nombra como Hefe di Instituto di Cultura Aruba. Asina e bira e di dos Hefe di ICA despues cu Sr. Hubert Lio Booi a baha cu pensioen.

E seccionnan na ICA despues di 1982 tabata:

- Socio-Cultural: Actividadnan cultural, escolar y social;
- Conservacion di Patrimonio y Cultura;
- Promocion di folklor, artesanía, pintura, música y canto, etc.;
- Watapana/Bonbini Festival (51 biaha pa aña);
- Difusion di nos tradicionnan (San Juan, dera gay/Dande/Tres Rey/ Weganan Popular);
- Promove uzo di Papiamentu (ICA tabata e prome departamento di Gobierno cu tabata manda notanan/consehonan na Papiamentu);
- T.V. y radio (ICA tabata traha diferente.

Durante un periodo di 1 di

april 1991 te dia 31 october 1994, E tabata 'ter beschikking' di resp. Aruba Tourism Authority, Den Haag y despues na despacho di Ministerio di Educacion y Ministerio di Finanzas. Durante e 'ter beschikking' el a keda Hefe di ICA.

Den e tempo cu el asumi su funcion como Hefe di ICA, e edificio tabata situa den e asina yama 'Maria Convent' na J.E. Irausquinplein # 2-A na Oranjestad. El a haci permiso pa restauracion di edificio di ICA.

Dia 1 di november 1994 el a continua cu su encargo como Hefe di ICA, despues di su 'ter beschikking' stelling. Y e tempo ey ICA tabata temporalmente den e asina yama 'Layex Building' den Wilhelminastraat. Esaki debi cu e edificio di ICA na J.E. Irausquinplein # 2-A tabata ser restaura.

Cu meta di ICA den preparacion pa cu nos Status Aparte ta pa comunidad Arubiano ta consciente di e existencia di Instituto di Cultura Aruba, cu ta e instancia gubernamental encarga cu conservacion, mantencion, promocion y devocion di nos cultura den e forma mas amplio. Pa realiza cu Cultura no ta referi unicamente na e diferente disciplinan di arte, pero tambe na e forma general con nos comunidad y como pais a y ta desaroya.

Debi na e hecho cu su persona durante e añanan na ICA, tabata alabes, miembro di diferente fundacion (C.C.A./Schouwburg, UNOCA), ta-

pone disponibil pa cultura na Aruba a ser poni na disposicion di Fundacion UNOCA y casi por bisa cu ta e UNOCA tin di bisa riba e desaroyo cultural na Aruba.

E tempo aya caba Sr. Leo Tromp tabata puntra: "Con por tin un maneho di cultura sin e fondonan necesario?"

Manera a ser contesta den e pregunta anterior: Danki na un bon relacion cu tanto Fundacion CCA y UNOCA, Instituto di Cultura Aruba por organisa diferente proyecto/ evento. Tambe hunto cu BUVO, Biblioteca Nacional Aruba/Mediadienst, ATA, TeleAruba, y AHATA, etc.

Prome cu Status Aparte, Aruba tabata conoce dos (2) Departamento di Cultura esta (ICA na nivel Insular y 'Bureau Cultuur & Opvoeding' riba nivel di Gobierno di Antias. Entrante 1 di januari 1986 a keda solamente Instituto di Cultura Aruba. E unico parti cu den cierto forma a bin acerca di loke ICA ya caba tabata haciendo, tabata e personal religioso/'Eredienst'.

Manera ta conoci ICA tabata existi fo'i 1978 cu ta hopi prome cu Status Aparte, pues e entrada di Status Aparte na 1986 no a trece mas responsabilidad of tarea pa ICA.

Insituto di Cultura Aruba sin duda ta un hecho y a ser acepta y reconoci pa Pueblo di Aruba.

Den su 25 aña di existencia, ICA sin duda a haci loke ta den su alcance pa conserva, promove y difundi nos Patrimonio, Tradicion y Cultura.

ICA indudabelmente ta un departamento relativamente hoben (e tempo ey 25 aña) y no por bisa cu ICA ya a logra su meta. Tin un gran cantidad di tereno riba cual ICA ainda tin hopi trabou pa haci y ta di spera cu ICA den futuro lo por dispone di suficiente fondo pa realisa e tareanan cu ainda e tin cu enfrenta.

E tempo aya ya caba Sr. Leo Tromp tabata bisa cu Instituto di Cultura Aruba mester tin un tarea importante pa e poblacion multicultural cu a bini Aruba durante ultimo añanan. Como pais chikito, Aruba ta hopi vulnerabel na influencia di cultura otro cu no ta di nos Aruba ta conoci como un pais hospitalario, pero Aruba mester ta consciente di su propio identidad, e ser Arubano como un bon Arubiano.

Aunke Aruba a habri man pa un cantidad grandi di stranhero establece nan mes, esaki no ta encera cu Aruba su identidad/cultura ta bay atras a costo di un cultura di otro-nan.

Aruba mester siña di su pasado: personanan di islanan Ingles cu a bini Aruba pa traha na Lago Oil & Transport Co. Ltd den añanan '40, a forma nan propio "ghetto" na San Nicolas y casi no a integra den nos comunidad. Ta un parti di nan segundo generacion (esunnan cu a keda Aruba) a integra. E diferencia di e tempo aya, ta cu e porcentahe di persona cu a bini di exterior tabata relativamente chikito den comparacion cu nos poblacion. Den actualidad hopi ta e stranheronan cu a bini establece nan mes cu den añanan cuarenta.



Na memoria di Sr. Leonardo 'Leo' Tromp (Part II)

Continuacion di edicion anterior

Sr. Leo tabata di opinion cu ICA tin un tarea primordial den e aumento di stranhero riba nos isla cu kier establece nan mes na Aruba. Gobierno di Aruba mester exige pa esunnan cu ta ricibi permiso di estadia "integra" nan mes den nos comunidad y nos cultura.

Si esaki no tuma luga, nos 'cultura' ta core un peliger grandi.

Mester mira otro alternativa pa cultura por haya mas fondo. Mescos cu deporte por dispone di fondonan di p.e. Lotto Aruba pa deporte. Gobierno mester destina cierto fondo pa cultura. El a duna algun chempel e tempo aya cu si Lotto ricibi permiso pa pone machine di hunga placa na Aeropuerto, parti di ganashi mester ser destina pa cultura. Por introduci un cierto belasting riba cierto productonan, manera alcohol/sigaria of productonan di luho y destina un parti di e belasting na cultura. Kisas por hasta trata na cambia e statuton di Lotto y haci esaki p.e. Lotto pa Deporte y Cultura.

E tabatin vision y a trece di-

lanti cu ta necesario pa ICA specifica su necesidadnan pa loke ta personal cualifica y coordina esaki cu Departamento di Enseñansa. Ta necesario pa ICA p.e. tin un antropologo cultural den servicio, trahado social-cultural, profesionalnan/cu estudio academico riba diferente tereno (musica/teatro/arte visual). Mester motiva studiantenan pa sigui e estudionan aki y despues drenta den servicio di ICA.

Tin diferente actividadnan cu antes ICA tabata organisa cu tabata cay na agrado di pueblo Arubano, manera: Arte Popular na unda un cantidad di persona conhuntamente ta pone nan obra na exhibicion. Esaki alabes ta stimula creatividad di nos hendenan. No mester pensa solamente riba e pintornan reconoci.

Por haci algo similar tambe den temporada di Pasco, unda ta exhibi solamente obranan cu tin di haci cu e ambiente ey.

Awendia nos por mira cu industria creativo ta den desarojo.

E actividadnan cultural pa scolnan den Cas di Cultura

of na e propio scol ta hopi importante pa e desaroyo di e hoben ('Stichting Culturele Vorming in Schoolverband'). ICA tabata organisa un cantidad di e eventonan aki antes.

Empleadonan di ICA mester ta disponibel pa iniciativanan cultural particular y duna un man unda ta necesario (p.e. Festival di Dande of di Canto, Musica, Danza, Teatro, etc.

Sr. Leo Tromp como Hefe di ICA a aporta, yuda desaroya, a presenta visionnan cu te awe nos por mira y aprecia. El a muestra na varios ocasion e tarea importante, pa ICA conoce su propio historia y comparti esaki cu nos comunidad Arubano.

Despues cu ya e no ta traha mes na ICA, el sigui den varios fundacionnan y organizacionnan cultural aportando y eherciando su pasion pa nos Cultura Arubano.

Aruba a perde den Señor Leonardo 'Leo' Tromp un otro baluarte cultural, un gran persona y cu un amor inmenso pa nos arte y cultura.

